

## Барча баву

**Ххирасса уссурвал ва ссурвал!** Дакнихтуну барча буллаи буру цинявпа бусурман мубараксса Рамазан барз бучаврищал. Аллагъу Тааъланал цайва бивхъусса бурж щалуну ва багъайкун биттур буллалима – алши бумари.

Къини дарчуну дур ххюва бутуйх: ца чак байху, гамур байсса чун дучаннин. Шингу бутрайх дарчуну дур: Рамазан барз бучайху мунил хъирив хлаж бур, хъирив – Къурбан биххаву, хъирив Мухаррам зуруйсса зумарду, яла мавлидру дай барз. Жула оърмулун низам-къарал укунсса душиву му жула

гъунар бакъар, Му Аллагъу Тааъланал жува бусурманну лякъан баврил аршиталихри. Рамазан зурул циняв цачун буллалиссар, архал бацан буллалиссар. Мискинсса ягу авадансса икю ва зуруй зума дугълагъиссар гъарца бусурманчунал. Каши дунан дакъанал хлал бувчуну, мунаву рахиму-цими ххи буллалиссар. Аърщарай оърмулун неъматру жунма чумуйнуссар ва миннуя багъайкун неъмат ласунгу кюлну бикан аъркинссар. Ххирасса бусурман, Рамазан барз – жулва чурх марц буккан бай барз бакъассагу, бунагъиртая марц шай барзри, оькки-муния арх буцай барзри. Яла-яла, зума дургъуний жува жула къацлива нанисса

мукъул хъирив бавцуну бикан аъркинссару. Жула уссур-ссуннай аьй-бювкъурду дуллалисса ихтилатру буллан къааьркинссару. Мукъул диян дурсса щаву яла-яла цун шаймурди. Аллагънал ﷻ хъхъичи цимурцаннухлу жавабру дуллантими жувару. Ча тий буру цинявннан ва барз Аллагъу Тааъланана эбадатрай, дуарду дуллаи, Къурбан ккалай гъан бувансса цулушиву, лагма-ялтгуми ххари булансса бюхъу. Бусурманнал дурсса цимурца ххуймур Аллагънал ﷻ къамул даннав! Амин.

Ас-салам кказитрал редакция

### Ва номерданий :



лаж. 4

Таравих-чак

## Зума дугъаврил ххирашиву

Зума дугъаву – Имандалул мукъва бутул ца бутар, ссавурданул дачир, эбадатрал кюлар, тлааьтирттал, хъинбаларттал гъанур, Аллагъначан ﷻ гъан шаврил ххуллури. Мунивусса фазилартту, хъиншивуртту чиявуссар. Цайми тлааьтирттал аьмаллу халкъуннан ккаккайссар, члалачиссар, кюл шайссар, зумарив Аллагънан ﷻ дакъа къачлалачиссар, цаманан кюл къашайссар. Му батинийсса, къюлтисса аьмалли, Занная ﷻ нигъа увсманал дакъа къадугъайссар. Занналгу ﷻ лагъналгу дянивсса эбадатри. Мунийну чурххал шагъват гъагъайссар, дакнил гъава лещайссар, Аллагъ ﷻ дакнин агъайссар, щяйтган-иблис арх шайссар, эбадатрайн гъира багъайссар. Къиямасса Къини дирзун, халкъ бизан бувукун, Аллагъу Тааъланал учинтиссар Ризваннухъ – Алжаннул ялув ацхухъ: «На зума дугълай бивкисса халкъ гъатгавату мякъну, ккашилну бизан бав, Алжаннава дучан да» - куну. Яла Ризваннул оьвкуну Алжаннул къулдугъчитурайн: «Нурданул тлабакъру (ланжартту) дурцуну Алжаннул ахъулсри, хлачия ласияра», - куну, мий ларсун бучантиссар.



лаж. 6

Ибрагъим Идавсил  
Байтуллагъ баврил къисса



лаж. 7

Инсан рухирачан ивукун баймур

## Чаящиял Мухаммад-апанни

Чаящиял шяраву нурданул чирахъ, Мухаммад-апанни Устар Ибрагъим – Чаящиял шяраву хлакьикъатрал хлавз Хлавчцириннал дакюру аьчух дувай, тлар.

Дунияллийх ца ларгсса ай дарман буттал клану, Илданийх му хлал лавгсса Чаящиял мубарак.

автор: Аьйшат Хажиева

Мунинин цалагу Лаккуй къабивкисса на ттула буттал шяравун – Чаящав бивра дахъва ахттакъунмай. Ттул мурад буссия жула шяраватусса шайх Мухаммад-апанни яхъанай ивкисса клантурду ккаккан. Зунтгаву занай вардиш бакъасса на оькки-



Аь. Хажиева Мухаммад-апаннинал халват къатлуца

ну бувхунав. Шяравун бухханнин бигъалагаврил бакъа ттул цамур пикри бакъая. Шяравун бияхтурив, ттун буххаву хъамариртуна. Ттул дак гъалакн ттула ниятрайн клункю тий дия. Муниятуяв къакюла, на най бунува, ттуйва бияла бакъа, бивра шяраваллил дух хлатталлучан. Хъунмасса хлаллай хлаталлучагу бавцуну бивкун, булав на салам, буккав альхам-къулгъу, дав дуаь хлаталлул агъулдануха. Амма ттун ттула ссалам хлатталлил агъулданул къамул къабуллалисса кунма члалай бия. Анжагъ хъиривми гъантрай нава гайннахъхун буллуса салам, дурсса дуаь къамул хъусса асар хласул хъуна ттул дакниву. Навагу аьжайвну бигъа лавгунав. Циванну зун жу хъама бивтсса? Циванну зу жух бурганвагу къабучайсса, тий, биявав хлатталлул агълу?



## Ккавказуллал муфтийтурал конгресс

Июньдалул 25-нний Махлачкьалалив хьунни Ухссавнил Ккавказуллал диннал баклчитурал цалчинмур конгресс. Му хьун хьхьичI республикалул баклчи Махламмадссалам Махламмадов хьунаавкьунни Конгрессрайн бувкIсса муфтийтурашал.

Хьунабакьаврийн бувкIун бия Ухссавнил Ккавказуллал Бусурманнал координациялул центрданул председатель Исмаил Бердиев, Чачаннал республикалул муфтий Султан Мирзаев, Ингушетиянал муфтий Ися Хамхоев, Кьалмукьнал республикалул муфтий СултанахIмад Каралаев, Ухссавнил АсетIия-Аланиянал муфтий ХIажимурад Гацалов, Кабардин-Балкьариянал муфтий ХIазратали Дзасежев, Адыгейнал муфтий Нурбий Елик ва муфтий, Дагъусттаннал бусурманнал РувхIанийсса Идаралул председатель АхIмад-хIажи Абдуллаев. Микку ихтилат буллау, Дагъусттаннал Президентнал бувсунни, укунсса мероприятияртту жула жьаматраву цашиву, аслахIшиву, паракьатшиву цакь дансса, мюхчаншиву щаллу дувансса, инсантурал рувхIанийшиву ва адавмягрпат лавайсса шачIантгуйн лахъан дансса шаттирду хьанхьиву. М. МахIаммадовлул мукьуртийн бувну, Конгрессрай ихтилат хьун тий бия тер-



рорчишивручалсса ва экстремистивручалсса талатавриву диндалул ва муниха узиминнал бугьлагьисса кIантурдая, ислам лахъхьаврил системалия, му хьхьичIуннай даврия, муни кумаг баврия, жагьилтал тIайла ххулий тарбия баврия. Хьунабакьаврий ихтилатру бунни Ухссавнил Ккавказуллал республикарттал диндалул Идаратрттал баклчитурал. Яла хьунабакьаврий гьуртту хьуми лавгунни республикалул хьунмур библиотекалулун, тиккун бувкIуна цаймигу Конгрессрай гьуртту хьунни. Конгресс тIивтIуну микку ихтилат бунни Дагъусттаннал президент МухIаммадссалам МухIаммадовлул. «ХIакьину

паччахIлугь ва жьамат хIарачат буллау бур цалла давуртту цачIун дуван, диннал дянив хьусса рязибакьавиртту ва цалийн кьабуклакIисса масьалартту чулийн буккан буван. Мунияту ва даражалийсса муфтийтурал хьунабакьавиртту жунна циньявнин хьинну агьамссар.», - увкунни ДР-лул Президентнал. Конгрессрай ихтилатру бунни Кьарачай-Чаргаснал муфтий Исмаил Бердиевлул, Султан Мирзаевлул, АхIмад-хIажи Абдуллаевлул ва цайминналгу. Миннал ихтилатирттал мяьна дия циньяв цачIун хьун, циньяв ца ххулийнх бавкьуну бачин овьчаву дуллалисса. Конгрессрай кьамул дунни хасьсса Резолюциягу.

### Бястру буллансса савав дакъассар

Гьарца шинал бусурманнал дянив бястру хьанан биклай рамазан барз байбишаврил ва кьуртал шаврил хIакьираву. Масьала, ца-цавайннал тIимунин бувну, зума дугьан аьркинни цIубарз ккаккайтту, кIилчинминнал тIимунин бувну – цIубарз буккансса чIун хьувкун, цуппа ххал кьахьурчагу, цайминнал учай жулла хIукуматрашал ца часовой поясраву хIукуматирттай цIубарз буккайтту дугьан аьркинссар, куну, мукьулчинминнах вичи диширча, гай биклай цалва яруннин барз ккакканнин ялугьлай. Му иширал мудангу щаллагу дуньяллий ва хаснува Дагъусттаннайгу бусурман мукьбачлай. Жула Имам Шафийнал мазгьабраву буссар барз байбишаву тасттикь байсса 16 жура-журасса кьядда. Гайннува яла агьамийн шанма хьанай бур:

- Рамазан зурул цIубарз ххал кьавхьунугу, шаьбан зурул 30-ва гьантта шаву;
- Ца аьдилсса, вихшала дусса инсаннал муфтийнал ягу кьадиал хьхьичI цIубарз ккаккшивруй барашинна даву;
- Математический хьиривлявурттайн бувну (элмул хIисаб) цIусса барз байшаву кIул баву. КIа цалчинмур кьядалин бувну рамазан барз байбишаву тасттикь баншиврул, шаьбан барзгу байбишавугу цIубарз ккаккаврийну тасттикь бувсса бикан аьркинссар. ЦIубарз ккаккан Дагъусттаннай хьинну захIматсса иш бур. Мунияту, жунма личIлай бур шамулчинмур кьядда.

Шафийи мазгьарбал аьлимтал рамазан зурул дайди хьу элмул-хIисабрайн бувну кIул дан ихтияр дуллау бур. Мукун тий ур Имам Ибну Руфайт «Кифаят» тIисса луттираву имам Шафийнал асхIабтурайн чул бившуну. Мукунма ва махь тIайлассар куну бур имам Субукинал, Заркашинал, ХатIибу Ширбининал. Мукунма увкуну бур Ибну ХIажардул «Иаьб» тIисса луттираву ва Имам Нававинал «Равзат» тIисса луттираву. Мукун тий ур Сулайман Курди цалва «Фатава» тIисса луттираву ва ГабдурахIман Багьлави «Бугьятул-мустаршидин» тIисса луттираву.

МухIаммадаьли Чохьил цалва «Фатава» тIисса луттираву чивчуну бур, Абугьурайратлул ﷺ ва Аьйшатлул ﷺ увкушиву: «Жу Рамазан зурул ца зума итадаркьунунияр, шаьбан зуруй ца ххисса зума дугьанну». Укуна тий ивкIссар Аьли-асхIабгу ﷺ. Ва хIадис хьанхьиссар гьануну зума дугьаву ялув шаву тасттикь бавриву.

Шаьбан зурул 30-мур кьини ттурлу дуну ягу цамур сававрайну ссав чIалай дакъахьурча, му кьини зума дургьума хьанхьиссар цалла дин мюхчан дан хIарачат буллалиману, цанчира, инсантуран Рамазан зурул Аллагьнал ﷻ хьхьичIсса ххирашиву кIулссания, гай цимигу гьантлул чьяни байбишинссия зума дугьлай, рамазан зурул царагу кьини лях гьан кьадитаншиврул. Маккалал Муфтийну ивкIсса Шафийи мазгьабрал хьунасса аьлимчу Сулайман Курдил цалва «Фатава» тIисса луттираву укунсса мяьна дусса махьру чивчуну бур: «Элмул-хIисабрайн бувну зума дугьан бучIиссар тIисса аьлимтурал хIучча цари учирча, му хьанхьиссар кьияс. Цукунни учирча, цIубарз ккаккарчагу, му гьарцаннан кьакаккай – цаннал цанма ккаккшиву бусарча, гайми бур ганайн вих хьуну, зума дугьлай. Мукунма, элмул-хIисаб кIулсса инсаннал цалла хьиривлявурттайн бувну пулансса кьини цIусса барз байбихьлай бур, учирча, вай инсантал ганайн вих хьуну зума дугьлан аьркинссар».

isaassalam@gmail.com

## Президент муфтийтурашал хьуна авкьунни

Июльданул 5-нний РФрал президент Дмитрий Медведев хьуна авкьунни муфтийтурашал. Га хьунабакьаврий ххалбивгьунни хIукуматрал ва диндалул идарарттал цачIун хьуну террорчишиврийн данди буккавил масьалартту. Ихтилатраву гьуртту хьунни Ккавказуллал бусурманнал центрданул, Аьрасатнал муфтийтурал мажлисрал, РФ хIукуматрал Исламрал цачIуншиврул ассоциациялул ва цаймигу идарарттал вакилтал.



«Дакаву дуруччаврил, ялун нанисса ник тIайласса динналий тарбия даврил чулухуннай зу дуллалисса даврин щаллагу аьрасатнал обществолул хьинну хьунмасса кьимат бишлашиссар. ХIакьину жула хIукуматрай Исламрал дин хьинну дирину хьхьичIуннай най дур: буллау бур цIусса мизитру, Исламрал университетру, мадрасартту. Му хьинну ххарисса иш бур. Амма жула хьхьичIсса хьунмасса захIматшивуртту хьанай дур экстремизм ва терроризм. Тгун чIалай бур аьлимтурал цалла жанну тIайласса дин гьаз давирхлу дуллау бушиву. Махьсса шинай террористурал канища 20-нний бивсса хьунисса аьлимтал ливтIунни. Уттигьанну МахIачкьалаливсса теологиялул институтрал ректор Макьсуд-хIажи Садикьов бивтун увтунни. На ганан Чувшиврул орден дулунсса указ чичав», - увкунни Д. Медведевлул.

www.islamdag.ru

## Имам бивтун увтунни

Вай гьантрай Буйнакский райондалул Кьадар шьраву хьатIан чак буллау унува бивтун увтунни аьлимчу МухIаммад-хIажи Магьдиев.



Жамааьт чак буллау бунува, террорист мизитравун увхун, имамну авцIусса МухIаммад-хIажинал махь чак буллалисса кьужагу кьуч увну тинай увтун, суждалийсса имамнайн мукьва ккуллагу бивтун ливхьун лавгун ур.

www.islamdag.ru

#### Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

#### Редакционный совет

Председатель редакционного совета муфтий РД Ахмад-хаджи АБДУЛАЕВ  
заместитель муфтия РД Махди-хаджи МУТАИЛОВ

#### Главный редактор

Патимат ГАМЗАТОВА

#### Редактор

Иса ОМАРОВ

#### Канонический редактор

Курамухаммад-хаджи МАГОМЕДОВ

#### Корректор

Курбанисмаил Амиров

#### Ответственный секретарь

Ахмад МАГОМЕДОВ

#### Менеджер

Абдусабир АХМЕДОВ

#### Дизайн, вёрстка

Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № \_\_\_\_\_

Тираж 3. 400 экз.

Сдано в печать 15 июля 2011 г. в 20:00

#### Индекс 51388

#### Адрес редакции

367015, РД, г. Махачкала, ул. Азиза Алиева 2. Тел.: (8722) 61-00-64.

По вопросам подписки и доставки обращаться по телефону: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru;  
www.assalam.ru



# Чаящиял Мухаммад-апанни

1 « Цимигу шин ларгхъунсия, шиккун инсан къаувкун. Цала буттал шяраваллийн ящун бан лавгсса хъурчагу, мигу «гъавагу бувкуну», щаращал щингу хларчун, хлатгалливвагу къабивну махъунмай лагайхъунссия. Тгун ца аьжаивну му гъалатI гъайла бацдан бан ччан бивкуну. Язухъсса дакнищал хлатгаллия тинмай хъувкун, ххал хъуна тгун Чаящиял шайх Мухаммад-апанниннал халват-къатта. Бувхра на халват-къатлувун. Дахъва тти бивра на тгула ниятрайн. Цимилгъав тгун нава ва халват-къатлуву макIра ккавксса. Дакниий бур цалчин тгуна Мухаммад-апанни макIра загьир хъусса чIун. Ваннин шин – шин ва дачиннул хъхъичI шанашисса кIанай бувкунни тгучIан кIия инсан. Бувгъуну на хъарала бувцунна ца къатлувун. Тикку щяивкIун ия кIяласса хъунмасса чIиригу бусса, чурххайн авагу лархсса угъараса адимина. Навамур бура нигъа бувсун, тгула ахир дуркIсса ххива. Танал ттул пикриду бувкксса кунма: «Манигъабусара, на Мухаммад-апаннира. Вайгу шайхталли», - куну, тиягу шиягу щябивкIсса араммал ккаккан бувна. Амма ттул чурххава нигъ, игътиятшиву чя-чя къадурккуну. Цукун дукканссия, циняв араммал буну, ца нава хъамитайпа бунува. Ганал тгущал мадара хIаллай ихтилат бувна. Яла паракъат хъуна ттул дакI. Му макI ккарккун махъри тгун Мухаммад-апанниннал оьрмулия кIул бан, кIанал кIанттурду ххал бан ччан бивкIсса. Вана утти на бивну цимилагу тгунма макIра ккавксса шайхнал къатлувун. КIиву на цимирагу ссят дав. Махлаттал хъуну бия шяраву ялапар хъанахъисса халкъ, щилчIав ххуллу ккаккан къабивну ина шиккун цукун багъра, тIий. Лаккуйн на лавгссияв Гьумкунсса маршруткалиий. Цувххукун, Чаящи тIисса шараваллия бавсса цучIав акъая. Ххал дарча, му щинчIаврагу къакIулну ляркъунни. Ахиргу, щиллив увкунни, шикку бучIу, кIа ххуллийх лавай насу, куну. Бавчура на кIа аьркра ххуллийх. Бавчура, кIирисса баргъ, ттухъавсса бузри, ххуллулив ахир чIалай дакъая. Хъхъувайнивагу ца чулийн букканхъува тIий буссияв. Бивра Чарав. КIикку кIул хъунни тгун нава арх ххуллийх лавгун бивкIшиву. Укунна на бивсса Чаяхъхъун. Тгуй кIиккусса агълу махлаттал къавхъуну бикIайссияв. Чаящиял шяравалу дур Ахъушату УручрахчIин ВицIхъав нанисса ххуллия арх дакъа. Му ххуллул ва Чаящиял дянив дур хъун дакъасса ратI. КIа ххуллияту



Мухаммад-апанниннал арс Оьмар.

урувгсса чIумал Чаящиял шяравалу уттигу сагъса кунна чIалан дикIай. Амма ратIугу бувчIун, шяравун лавгукун, вил хъхъичI тIитIинтIиссар 1944-ку шинал дизан дурсса ва шяраваллил агъулданул бакIрачIан дуркIсса къурчIисса кIини. Чаящиял агълу арнил кIанайн бивзун мукъах кIикку Карашрал ферма диркIун дунуккар. Цанаккул тIурча, кIикку бур мукъварив къатта – циняв Чаящи. Бур чIумуйну ялапар хъанахъисса ца-кIива даргиял кулпатту. Буслай бур Чаящиял ва Уручуллул дянив чIирисса арманиннал шяравалу диркIссар, тIий. КIа диркIссар тIисса кIанай къанчпараснал гъаттай бищайсса ххачру бур. Ва барачатсса кIанур тIий, бивзун бивкIссар тIар. КIанияр кIиннай хъюарив километралу манзилданий диркIссар тIар ажарттал ялув бивну куннал кув ливтIуну духларгсса шяравалу. Яла тгун бавунни кIа КкутIнишиял шаравалу тIий. Чаящату баргълагаврил чулухуннай дур Гьуйннал шяравалу. Арх дакъа диркIун дур Мухаммад-апанниннал къатри. Оьрмулул махъсса шиннардий га ивзун ур цамур кIанавун. Гикку бувну бур цанма халват-къаттагу. Халват-къатлувун цува акъа, цайми инсантал къабуххайсса бивкIссар. Ганахъхъун дулунсса духурчангума, хъулувух къаувххун, чIиравусса ккутIувух дулайсса диркIссар. Дукра ганал дайсса диркIун дур цанна цала, кIарагу къатлулува цIанагу сагъну бур. Ттул дакI ккавкмунилгу рахIат дуллай дакъая. Тгун ччай бия Мухаммад-апанни мяйжаннугу цу ивкIсарив, га тгуна макIра циван загьир хъанай

ивкIсарив кIул хъун. Тгун ччай бия ххуйну ххал бан га яхъанай ивкIсса кIану, га занай ивкIсса кIанттурду, кIул бан ччай бия ганал дустурая, устазтурая, чанссавагу ганал оьрмулул ххуллувун буххан, ганал пикри-зикриду тгунма чIалачIи бан. Тгущава кIул бан бювхъумур, тгунма бувчIумур буслай бура зухъу. Мухаммад-апанни ивкIун ур Чаящиятуса хъудугъул Мухаммадлул ва Амнатлул арс. Ганал ппу хъулухчинуха, ятту-гъаттараха зузисса, шяраву хъинну сий дусса, хIурмат бусса адимина ивкIун ур. Мухаммад-апанни оьрчIийна Къуръан лахъхъин занай ивкIун ур шяравусса Дибир-Явсуллул мизитравун. Цала чIунархIал оьрчIаву га ивкIун ур за лаласайсса, аькьлу-кIулши дусса оьрчI. Хъунмасса гъунардануцIун га ивкIун ур хъинну ххуйсса чIунил заллугу. 5-6 шинаву Къуръангу лавхъхъуну, га цайми дин-элмулул луттирду лахълан ивкIун ур. Ганал гъунарданул цайми инсантал махлаттал байсса бивкIун бур. Амма ганаща марцI элмулухун агъан къабюхълай бивкIун бур. Мухаммад 10-ра шинаву усса чIумал ганал ппу дунияллия лавгун, ганан ва ганал уссин багъну бур ниттин кумаг буллан. Ца кIини ниттищал хъу дурчIин лавгун уна, хъуни марщай Мухаммад зухIа-чак буллалисса кIанай ккавккун ур Гьуйннал наб Гъази-Мухаммадлул. Гъази-Мухаммадгу ганал ссурахъу Шайх-АхIмадгу дучрай Чаящиял шяравух Ахъушав най бивкIун бур. - Ургу ина купайугълинах, канийх щин дуккангума курчIилсса чIаящиричу ххал а зухIалул чак буллай! – куну

бур Шайх-АхIмадлул. - УчIи акъуй, ина тIутIимур цира? Та ина махъ чайма акъарча, улу, цал му вила къацI шюша, - куну бур сси бивзсса Гъази-Мухаммадлул. Наибнан га оьрчI дакIния къаувккун ур. Цаппара хIал хъувкун, Гъази-Мухаммадлул гъан бувну бур га чIаящири оьрчI уцин. Мукун Мухаммад-апанни агъну ур Гъази-Мухаммадлул Гьуйннал шяравун. Ца хъхъуну утту ивхъусса шаний Мухаммад-апанниннал ккарккун дур аьжаивса макI. Мубаракнал къатлуву щяивкIун унува, лагма лехлайгу бивкIун, щябивкIун бур къарчигъай Мухаммадлул хъачIрай. Гьунттимур кIини ганал му макI бувсун бур мубаракнахъ. Мубарак аьжаивну ганахгу урувгун, ссихI къадуркуну дур. Гъази-Мухаммадлул дурккуну махъ, Мухаммад-апанни лавгун ур Шаки-Ширваннай дуклан. Ванал тийх Къуръан дакIних лавхъхъуну бур. Лавхъхъуну бур аьраб ва цаймигу мазру. Дуккаву къуртал дурну мукъах, 1879-ку шинал Мухаммад-апанни зану хъуну ур махъунай цалла ватандалийн. Чаящиял Мухаммад-апанниннал ца машгур хъуну дур щала Лакку билаятрай. Шавай нани ххуллий му хъуну ур ГьумкухчIин. Ца заманнай Гьумучиял мадрасалуву дуклай бивкIсса Хъанариятуса ХIакин ва Муцалауллаятуса ХIадис буслай бикIайва тIар, Шаки-Ширваннаяту нанисса Чаящиял Мухаммад-апанни ккаккан циняв Гьумучиял агълай бавтIун бивкIун бур Оьллаарив, миннаву шайхнан ххуйну кIулсса Гьухъаллал ХIажиахIмад-хIажи, Написат, Баратхъал Абдулкарим ва цаймигу диндалул аьлимтал бивкIун бур, тIий. ЖучIанма бивсса шеърирдал аьлтту буллай бур, цуксса хъунмасса хIурмат буну ивкIсарив Баратхъал АбдулкариннучIа Чаящиял Мухаммад-апанни ва гайннал кунначIан куннал чагъарду чичайсса бивкIшиву. Шавай увкIун махъгу, Мухаммад-апанни лагайсса ивкIун ур Гьуйннал яравун мубаракначIан. Му чIумал ца адиминан щар хъуну бивкIсса мубаракнал душ СалихIат лас ивкIуну шаппай зану хъуну бивкIун бур. Ганал бивкIун бур кIива оьрчIгу – Ибрагъим ва АбдулхIамид. Гайннавату Ибрагъим тIима чIивинийва ивкIуну, сагъну ливчIун ур так ца АбдулхIамид. СалихIат оьрчIащал буттал къатлуву яхъанан бивкIун бур. Шайх Мухаммад-апанниннал СалихIат ххуй бивзун бивкIун бур. Гай кIиягу цаннан-ца ччан хъуну бур. Бувсун бур Мухаммадлул мубаракнахъ цала дакIниймур. Микку мубаракнал дакIнийн дуртун

дур Мухаммадлул ккарккун диркIсса макI ва цалла рязишивугу дуллуну дур. СалихIат Мухаммад-апанниннал щар хъуну кIира шинава, оьрчI буллай бунува га бивкIуну бур. Ганал лякIлуву шамничу бивкIун бур, амма кIива ливтIусса бувну, сагъну ца оьрчI ливчIун ур. Га диркIун дур гъарал лачIлачIисса кIини. Шайхнал лавсун цала дахъва увсса оьрчI бяхчIанттулу гъарал щинай шювшюну ур. ОьрчIан цIагу дирзун дур Оьмар. КIива оьрчI бивкIусса кIул шайхтту, леххаврий ганал кулпатрал гъанмий Гьюту бувкIун бур кIаначIан жижара бан. Гай бувкIун бун бакIругу бивчуну, лажиннугу риртгуну. Мухаммад-апанниннал увкуну бур: «Гъай Заннал ﷺ душмантал, Аллагънайх ﷻ тургу риршуну, лажиннугу риртгуну, бакIругу бивчуну зу шиккун чун най буру? Ва Аллагънал ﷻ къадардихха ттучIан бувкIсса. Зуцара шайссаксса цимилул макъгу руртIуну, кулгу-альхIам буккияра» - куну. Муний бакIругу бахIин бувну, къамул гъану бур Гьуйтусса щарнил гъанмий. ШайхначIан зияратрайн бувкIун бур шяравасса кIива ссу ТIутIи ва Мисиду. Мухаммад-апанниннал гай кIивагу ссу аьжаивну ххирасса бивкIун бур. ТIутIил шайх изаннин га ачайсса ххуллу бавхъуну, марцI бувну, халват-къаттагу лавкъуну къабитайсса бивкIун бур. Цанма найрду ласун нанисса гъансса арамматрашал шайхнал Мисидугу буцияра куну бур, хъурзилтту лахъан дуллаллини Мисидул кашун аьркинссар куну. Шайхнал кулпат бивкIусса чIумал муридсса ТIутIил ккуккулий бивкIун бур чIивисса душ ПатIимат. Мухаммад-апанниннал цала дахъва увсса арс Оьмаргу уллуну ур ТIутIихъхъун: «Вин дакъа вихшала дакъарча, ТIутIий, ва арс Оьмар вин тапшур уллай ура цаппара хIаллайсса», - куну. Буттал гъанминнал яуллай цаппара хIал хъуну махъ, Оьмар Къуръан лахълахъи увну ур. Чивисса Оьмар уцайсса ивкIун ур ниттил СалихIатлул гъанминнал. Мукун яуллай ивкIун ур Оьмар. Шайх Мухаммад-апанни цувама хъунмасса хIаллай халват-къатлуву икIайсса ивкIун ур. Мунал гиву цими-вагу барз ца ссахI иний ва щинай байсса бивкIун бур. Шиккун ванаачIан бучIайсса бивкIун бур чIавусса халкъ – лак, яруса, дарги. Инсаннал дакIнимур ганан гацIана кIул шайсса бивкIун бур. ГаначIан бучIайсса халкъгу дакIнил къумашиву дусса, захIматшиврувун багъагу бивкIун бур. ТIачIав пачIанма бувкIсса инсантураяту багъагу къаласайсса бивкIун бур. Циняв бувкIмигу дакIругу рахIат дурну гъан байсса бивкIун бур. »



# Рамазан зурул ххирашиву

Рамазан зурул хьхичи-ра-хьхичи-сса хьху дуркIукун, Алжаннул хьулурду тIивтIуну, му гьаннин кьалакьайссар. Дуржагьрал хьулурду лакьайссар, му гьаннин кьатIитIайссар. ЩяйтIантал байщун байссар, иблислуи кьатIа бишайссар. ЛивтIумий ххари шайссар, утгавамий рахIат шайссар. Оьшивуртту кьачичайссар, хьиншивуртту ацIийну чичайссар. Буцири бунагьиртгал аьфву байссар. Аьзабрая ххассал байссар.

Рамазан – хьинну бара-чатсса барзри. Муниву бувсса ца фаризалул чири, цамур зуруй бувса арулцIалуннилуксса чири буссар. Мунивусса фазийларду чIярусса, хьиншивуртту, хьуншивуртту чIяруссар, цайми зурдардивунир гьар-зассар. Му зуруй дурсса дуаьлухьхун Аллагьу Тааьланал жаваб дулайссар, садакьа кьамул байссар, тIааьтру ххирассар, эбадат кьамулссар, ливтIумий неьматравуссар. ХIатта, мунивусса гьарца сьятраву цIаран хIакь хьусса ряхт-

туршазарва бакI тархьан битайссар. Му хIисаврай, зуруй тархьан бивтссаксса ца Лайлатул-Кьадрилул хьхуну тархьан битайссар. Мий цанявуксса ца Эдрал (Байранналул) кьинигу тархьан битайссар. Махьра-

ялув авцIуну, Кьурьангу чIявуну буклай, итьгикаф (мизитраву щя икIаву) чIяруну дурну, хIарамсса, оьккисса задругу кьабувну бусурманчувнал хIажатту барт диргьуну, дуаьртту-гу чIярусса дурну, сада-

цилва хIурмат бурувччумий. Аллагьналгу ﷻ: «Буца вилва хIакь бурувччумий», - чинтIиссар. Яла мунил му Рамазан зуруй зума дугьлай, мунил хIурмат бурчлай бивкIмий ка дургьуну, Аллагьнал ﷻ хьхичи-чун бувцуну, вайннай хьуншиврул таж биша куну Аллагьнахь ﷻ чIа куну бишинтIиссар. Ялагу, Аллагьу Тааьланал ца малаик ляхьан увну уссар мукьра лажин дусса. Ца лажиндарая ца лажиндарайн бианнин мукьзарда шинал ххуллу бусса. Миннул ца лажин Аллагьнайн ﷻ суждалийн дагьна дуссар, ца лажин – Аьрщур-рахIманнайн дурургун дуаь дулла дуссар. Рамазан зуруй зума дугьлай бивкIсса МухIаммад идавсил ﷺ умматиннал аьфву ба, рахIму ба тIий. Цагу – Алжаннавун дурургун дуссар, мивун увхманансса хьинбала чIа тIий. Цагу – Дуржагьравун дурургун дуссар, гивун увхманансса аьзаб, оьбала, тIий. ХIасил, мунивусса хьинбаларттугу, барачатшивугу кIулссания халкьуннан щаллара шин му барзну дусса хьурдай тIунссия.



махьсса хьхуну ссаврду, лухчив, малаиктал аьтIун бикIайссар, ххирасса умматиннан мюнпат бусса барз лагаврий. Мунил дайдихьу – цимири, дянивалу – аьфву бавур, ахир – цIарая тархьан битавур. ХIасил, му рамазан барз шинал дакIри, му саламат бувну, мунил хIурматту бурувччуну, Аллагь ﷻ кIицI лагавугу, тIааьт-эбадатту чIярусса дурну, жамааьтрайгу

кьарттугу чIявусса бувну ххуйну тIайла буккарча, щалла шингу саламат шайссар (зарал кьабивну личIайссар). Му шинаву бувцири бунагьиртгалу аьфву байссар. Ялагу, му зурул ххирашиву – Кьиямагсса Кьини му барз ххуйсса суратрай бувкун (ххуйсса куццуй тIайла бувккун), Аллагьнал ﷻ хьхичи суждалийн багьну, Аллагьнахь ﷻ чIа чинтIиссар

## Фаризасса зумалул шартIру

Рамазан зуруй фаризасса (чара бакьа дугьан аьркинсса) зума ялув шаврингу, дурус шаврингу цаппара шартIру дуссар:

1. Зума дугьайсса инсан бусурмансса икIавури. Чапурчунал, муртаднал зума дурус дакьассар.
2. Балугь хьусса икIавури. АцIния ххюра шин кьархьунай зума ялув дакьассар. Амма нитти-буттай ялувссар арулла шин хьусса оьрчIан дугьи куну амру бан. АцIра шин хьувкун кьадугьарча, ришун бучIиссар. АцIния ххюра хьувкунгу кьадугьарча, Шариаьтрайн бувну мукунсса инсаннан танмихI байссар дуснакь увну, цамур танмихI бувну, гужрай зума дугьан увну.
3. Щарссанин – хIайз-нифасрая марцIну дикIавури. Чак ливчIусса, оьрчI бувсса щарссанил зума дурус дакьассар, марцI хьуннин. Зума дургьуну дуна, хIайз ялун биарча, ягу оьрчI барча, му зумагу кьадурьссар. Мукун лирчIсса зумарду хьирив лахьан аьркинсар.
4. Дугьан каша дусса, тIакьат, кьувват дусса икIавури. Хьиннува хьунав хьусса, заэвсса, кьашайсса, дугьарча чурххан зарал хьанахьисса инсаннай зума ялув дакьассар. Чан-кьансса лякьа, бакI цIий бур кунури, ритан кьабучIиссар. Чак кутIа бан бучIисса, лахьисса ссапарданий нанисса инсаннайгу ялув дакьассар, ритан бучIиссар, яла хьирив лаханссар. Му сапарданий дугьаврийну, чанссавагу чурххан зарал хьанай, заэв хьанай ухьурча, дугьавунир ритаву хьинссар. Кьахьанай бухьурчарив, дугьаву ххирассар. Лякьлуву оьрчI бусса, ккуккулий ттихьайсса оьрчI бусса щарссанингу ритан ххуллу буссар, я цинма, я оьрчIан дугьавриву зарал хьанай бухьурча. Мукунма, ца гьалак хьуну нанисса хIайван, инсан ххассал аншиврулгу ритан дурусьссар, кьариртун ххассар ан кьабюхьлай бухьурча, хьхиривун оькьлай, ягу неххал лавсун най, ягу цамур савав духьурча. Фаризасса зума дугьайсса инсаннал хьхурайра нийят дан аьркинссар. Мунил чIунгу – баргь лавгун махь чани дукканнинни. Я мунир хьхичи, я мунир махь дурну кьадурьссар. ХIатта, оьрчIал зума дугьавай ухьурчагу, муналгу дан аьркинссар. Му чIумал нийят дан кьархьуну, хьама риртун личIарча, му зума кьадурьссар. Хьирив лахьан аьркинссар. Амма му кьини дукия дукан кьабучIиссар. Рамазан зурул хьхичи-ра-хьхичи-сса хьхуну нийят дарчарив, му барз щалва бугьан куну, нийят дан хьама риртсса кьини дургьусса зума мунийну дурус шайссар. Му нийят дайсса куцгу: «Нийят дурунни на зума дугьан гьунттий ва шинал Рамазан зурул фарийза тIайла буквариятусса, Хьунасса Заннан Аллагьу Акбар» – куну данссар. Аьдилсса адаминал барашинна дурну, барз кьавкшиву исбат кьавхьуна, щаккирай зума дугьан кьадурьссар. Рамазан зуруйтусса хьхичи-ра-гу дугьлай ивкIун суннат зума дугьарча дакьа. Амма, кунну барз кьавккушиву хIакьну исбат хьурча, щаккираву уну зумагу кьадурьгуну, му кьини зад кьадуркуна икIаву ялувссар, мунил хIурмат буруччин.

# ТаравихI-чак

ТаравихI-чак – Рамазан зуруй хьатIан чак бувну махь байсса суннатсса чакри. Му чак Рамазан зуруй гьарца хьхуну байссар, цалчинмур хьхуну байбивхьуну. ТаравихIрал чак жамааьтрацал мизитраву баву хьинссар. Агарда мукун бюхьлай бакьахьурча, шаппа кулпатрацал, чIахурацал баванссар. Мукунгу бюхьлай бакьахьурча, бучIиссар цалвалу бангу. Му цушагу гужсса, цIакьсса суннатри (суннатун-муаккадатун), Жула Идавсгу (с.а.с.) ялув авцIуну личIан кьабитлай буллай ивкIиссар. Мунихсса чири хьинну хьунмассар.

ТаравихI-чаклил мйира ракааьт дйссар, кIи-кIира ракааьт дуллаи. ТаравихI-чак кьуртал хьувкун, шанна ракааьтрайсса витрулул чак бувайссар, цал кIира ракааьтрайсса чак бувну, яла ца ракааьтрайсса бувну.

**ТаравихI-чак баврил низам**  
ТаравихI-чак байссар мукьва, ягу ацIва чак бувну, миннул дянив дуаьртту дуклай. Мий дуаьртту яларай чирчуну дуссар.  
1. ХьатIан чак бувну махь, суннатсса ратибат-чакту бувну цалчинмур дуаь дуккайсар.  
2. Цалчинмур таравихI-чак бувайссар.  
3. Цалчинмур дуаь дуккайсар.  
4. КIилчинмур таравихI-чак бувайссар.  
5. Цал кIилчинмур дуаь дуккайссар, яла цалчинмур дуаь дуккайссар.  
6. Шамулчинмур таравихI-чак бувайссар.  
7. Цалчинмур дуаь дуккайссар.  
8. Мукьулчинмур таравихI-чак бувайссар.

9. Цал кIилчинмур дуаь дуккайссар, яла цалчинмур дуаь дуккайссар.
10. КIира ракааьт витрулул чаклил дувайссар.
11. Цалчинмур дуаь дуккайссар.
12. Ца ракааьт витрулул чаклил дувайссар.
13. Шамулчинмур дуаь дуккайссар.



## ТаравихI-чак буллалини дуккайсса дуаьртту

Дуаь №1. Ла хIавла ва ла кьуввата илла биллагь. Аллагьумма салли аьла МухIаммадин ва аьла али МухIаммадин ва саллим. Аллагьумма Инна насъалукаль-джанната фанаоьзубика мина-н-нар.

لَا حَوْلَ وَلَا قُوَّةَ إِلَّا بِاللَّهِ  
اللَّهُمَّ صَلِّ عَلَيَّ مُحَمَّدٍ وَعَلَى آلِ مُحَمَّدٍ وَسَلِّمْ  
اللَّهُمَّ إِنَّا نَسْأَلُكَ الْجَنَّةَ فَتَعَوَّذْ بِكَ مِنَ النَّارِ

Дуаь №2. «СубхIаналлагьи вальхIамдулиллагьи ва ла илга иллаллагьу валлагьу акбар. СубхIаналлагьи аьдада халкьигьи ва ризаа нафсигьи ва зината аьршигьи ва мидада калиматигь». (З-лла)

سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَ اللَّهُ أَكْبَرُ  
سُبْحَانَ اللَّهِ عَدَدَ حَلْفَتِهِ وَ رِضَاءِ نَفْسِهِ وَ زِينَةِ عَرْشِهِ وَ  
مَدَادِ كَلِمَاتِهِ

Дуаь №3. «СубхIаналь-маликиль-кьуддус (2-ва). «СубхIаналлагьиль-маликиль-кьуддус, суббухIун-кьуддус, рабуль малаикати ва-р-рухI. СубхIана ман тааьззаза билъ-кьудрати валь-бакьаь ва кьагьараль-эбада билъ-мавти валь-фанаь. СубхIана раббика раббилъ эззати аьмма ясифун ва саламун аьлаль-мурсалина валь-хIамду лиллагьи раббилъ-аьламин».

سُبْحَانَ الْمَلِكِ الْقُدُّوسِ سُبْحَانَ الْمَلِكِ الْقُدُّوسِ  
سُبْحَانَ اللَّهِ الْمَلِكِ الْقُدُّوسِ سُبُّوحٌ قُدُّوسٌ رَبُّ  
الْمَلَائِكَةِ وَالرُّوحِ سُبْحَانَ مَنْ تَعَزَّزَ بِالْقُدْرَةِ وَ الْبِقَاءِ  
وَ فَهَرَ الْعِبَادَ بِالْمَوْتِ وَ الْفَنَاءِ سُبْحَانَ رَبِّكَ رَبِّ  
الْعِزَّةِ عَمَّا يَصِفُونَ وَ سَلَامٌ عَلَى الْمُرْسَلِينَ وَ الْحَمْدُ  
لِلَّهِ رَبِّ الْعَالَمِينَ

Ялув чирчусса цинярдагу дуаьрду дуккайссар лахьну цинявнналагу архIал. Гай дуаьртту кьуртал хьуну махь дуккайссар хьиривсса дуаь:

«Аллагьумма инни аоьзу биризака мин сахатIика ва бимуаьфатика мин оькьубатIика ва бика минка ля ухIси санааьн аьлайка анта кама аснайта аьла нафсию».

اللَّهُمَّ إِنِّي أَعُوذُ بِرِضَاكَ مِنْ سَخَطِكَ وَ بِمَعْفَاتِكَ مِنْ  
عُقُوبَتِكَ وَ بِكَ مِنْكَ لَا أَحْصِي ثَنَاءً عَلَيْكَ أَنْتَ كَمَا  
أَنْتَ عَلَى نَفْسِكَ



## Зумалул даражартту

Исламрал рукнурдал му-кьилчинмур рукну – Рамазан барз бугъавури. Гьарца цилла шартӀирдащал, рукнурдащал, адабиртгащал, къамул хьунсса куц-цуй щаллуну Рамазан барз къабугъайсса инсаннал Ислам барт къалагайссар. Му бусурманчувгу къашайссар. Зума дугъавугу шанна куццуйсса дуссар: шарэйсса, тӀарикьийсса, хӀакьикьийсса.

Шарэйсса зума – шинай цал бучӀайсса Рамазан барз бугъавури, дукаансса къадуркуну, хӀачансса къахӀарчӀуну, цайми зума личӀайсса зад къадуркуну. Му зума ялув даврил хӀикматту – Адам идавс ﷺ Алжаннавун авкъукун, мунал миву мадукара увкусса мурхьирая ахъулсса дуркуну, мунал лякълуву зувива гьантлий ливчӀссар му бувкусса лукьмалул асар. Яла Адамлул ﷺ тавба дурну, Аллагьналгу ﷻ къамул дурну махъ, Аллагь Тааьланал амру бувссар зувира хьхьукьини зума дургьуну икӀу, зад мадукара куну, му мурхьирая дуркусса задрал асар гьаннин. Мунал зурриятрайгу (наслулийгу) ялув бувссар мукунма

шинай зувива гьантта барз бугъан хьхьурдащал, хьхьукьини цал дакъа зад къадуркуну. Яла Аллагь Тааьланал, МухӀаммадул ﷺ умматиннан бигъа бан, дяхтта дугъан хьхьурай дитан амру бувссар.



Ялагу, му ялув даврил хӀикмат – Аллагь Тааьланал инсаннал чурх (нафс) ляхъан бувукун, мунихъ увкуссар Аллагь Тааьланал: «На цура, ина цура?» - куну. Чурххал увкуссар: «Ина инара, на нара» - куну. Яла Аллагь Тааьланал муни аьзаб дуллуссар ттуршра шинай Дуржагьрал цӀарайну.

Яла буккан бувну цӀаравату суал бувссар мукунма. Гава куццуй увкуссар цунилгу. Ялагу ттуршра шинай ккашил цӀаравун бавкъуссар. Ялагу буккан бувну суал бувссар: «Ина цура, на цура?» - куну.

Яла увкуссар му чурххал: «Ина ттул Аллагьра, на Вил лагьра» - куну икьрар дурну мукӀру хьуссар. Мукун, ккашийну бакъа инсаннал чурх мютӀий къавхьуну тӀий, ялув дурссар зума. Масъала, инсаннал чурх цинна ччикун, ччитари цинна ччимур дукрагу канай, дакӀгу къанкъа хьуну, Ал-


лагьгу ﷻ дакӀнин къаагълай, хӀусудшивугу зияда хьуну, му аьйкьин ан шяйтӀан буххайсса чурххавунсса ххуллурдугу гьарта хьуну, бунагьрал увцӀуну икӀайссар. Му чурх, яла, зума дугълай ккашил бувукун, дакӀгу кӀукӀлу хьуну, хӀусудшивугу яла ларгун, Аллагь ﷻ дакӀнин агьну, мунайн тавбалийн кӀура авну бунагьрая марцӀ шайссар. Мунийну мунал чурххавун му аьйкьин ан буххайсса шяйтӀаннул ххуллурдугу къума хьуну, бавшуну, буххансса ххуллугу къалякьайссар. ТӀарикьийсса зума тӀурча - цалва гьарца базу хӀараммунияту, мабара увкумунияту бугъавури, яру хӀарамсса задирах бургаврияту буруччавури, маз гьибат-бугъанналия, щял-махърая, ламмамшивруя, миннун лавхьхьусса цайми задирттаяту буруччавури. Мукунма, вичӀи оьккисса задрах вичӀидишаврияту дурччавури, ка щинчӀав зарал баврияту дурччавури, ччан хӀарамсса кӀанайн бачаврияту буруччавури. Мукунма, гьарца базу хӀараммунияту буруччавури. Гьарца рияърая (ккаккьялун дуллалаву), сумаьтрая (машгьур хьуну

ччаву), хӀусудшивруя (цанна дакъа, цама цана къаччиманан дуньяллул хьиншиву, хьуншиву, хьус, хьинбала, неьмат буллуну къаччай), такабуршивруя (цана цува цайминнаяр хьунману, хьинману, лавайману чӀалачӀаву), миннун лавхьхьусса гьарца къювкъусса тӀуллаяту марцӀну икӀавури. Му тӀарикьийсса зумалулгу ца чӀун дакъассар, дургьунассар. Мий затирттая уруччирча, му зума шайссар. Минния цавугу барча, му зума личӀайссар. Мугу салихӀсса оьбадтурал (эбадат дуллалисса лагьтурал) даражари. ХӀакьикьийсса зума тӀурча - цалла дакӀ дугъавури Аллагь ﷻ акъасса цамур зад ччаврияту, дуньяллул пикрирдаяту, оьккисса нийятраяту. Хьус, хьуншиву, Аллагь ﷻ акъа цамур зад ччива куну дакӀнин багъаврияту айшавури. Мугу идавстурал, сиддикьинтурал (тӀайласса инсантурал), мукьаррабинтурал (АллагьначӀан ﷻ гьанминнал) даражари. Му даражалийн къаийайссар Аллагь ﷻ акъацири цимурца къадиртун загьид къавхьхьусса кса. Ца чансса-рагу зад ччива куну дакӀнин багъарча, му зума батӀул шайссар.

## Зума личӀан дайсса задру

КӀюрххил чаннал асар загьир хъанан бивкӀун махъ, баргъ лавгшиву исбат хьуннин лякълувун зад гьарча, ча гьарчагу, зумух гьарчагу, къункьух, вичӀилувух, бакӀравун гьарчагу, аьвратравун гьарчагу, мукьахун гьарчагу, зума личӀайссар, зия шайссар.

къакьарттул бакӀраяту дюкьарча къаличӀайссар. Къасттирай кӀарчӀ учирчагу личӀайссар. Цала ихтияр дакъана учирчарив, къаличӀайссар. ЧӀюмпи дюкьаврил къаличӀайссар. Амма, къацӀлива къатӀув дурккун махъ дюкьарчарив, личӀайссар. Чаклийн иссайний къункьув, зумув щин ларсун вив гьан



ХӀатта, тӀагьарат байний, кӀиссурал бакӀ мукьахаллил вив гьарчагу личӀайссар. ЩарссаничӀа утту ивхьуну шариаьт барчагу личӀайссар. Утту къаивхьуна махсара-хьярч бувну, ягу кӀунттиву тӀааьн бувну шагьват буккарчагу личӀайссар. Амма шяйтӀаннул ххихху ивтун (хъяврин увну), ягу пикрилийну, ургаврийну буккарчарив, къаличӀайссар. Щарсса хӀайз хьурча, оьрчӀ барча, личӀайссар. Бусурманчув муртад хьурча личӀайссар. Ахпув, ххян зумув дурккун махъ, зана риртун дюкьарча личӀайссар. Амма,

дарча, карчӀаншиву дурну, хьиннура гивуннай диян дуллау уна гьарча – личӀайссар. Акъахьурча къаличӀайссар. Гьуслу буллау уна, вичӀавух, къункьух, зумух вив щин гьарча, цалла ихтияр дакъана – къаличӀайссар. Къалиян учаврийну личӀайссар, пуркӀу вив гьарча. Къасттирай ккарччу-хунсса дюкьарчагу личӀайссар. Гужрай зад дукаан арча, хӀачӀан арча, ягу увгьуну зумух рутӀирча къаличӀайссар. Зума дургьушиву къаӀлулу, хьама риртун зад дукарча, хӀачӀарча къаличӀайссар, циксса дукарчагу.

## Зума дугъаврил ссуннатру ва карагъатру

Зума дугъайсса инсаннал кӀюрххичӀун дукра дукаву ссуннатссар, къадуркуна дугъавунияр, цуксса чансса дукарчагу, хӀатта, ца ххув щинал чирчагу. Агьлул-китабрал зумалулгу жулла зумалулгу дянивсса личӀишиву мунийнури дусса. Махъ дукавугу ссунатссар, хьхьичӀинияр, чани буккаврищал къадагьарча. Чани букканнин чансса хьхьичӀ дуркуну, къацӀгу марцӀ баву хьинссар. Канай, къацӀливу зад дуна чани буккарча, мугьлат бакъа къатӀув личин данссар.

Мукунма, щарссанил ялув шариаьт буллау уна буккарчагу мугьлат бакъа учӀанссар. Мукун барча му зума дурсьссар, хӀисавссар. Чани бувквивав, къабувквивав тӀий щак хьурчагу, къадукаву хьинни. Щин ялувманал, чани букканнин щинавун учӀавугу хьинссар, амма махъ учӀарчагу зарал бакъассар. Баргъ лавгшиву мяйжан шайхту гацӀана зума ритавугу суннатссар. ХӀатта чак баннин зад дукавугума хьинссар. Чассагуй ритавугу суннатссар. Му бакъахьурча щинай хьинссар. Амма ва заманнаву щинай ритаву суннатссар. Мунияр шубгъа бакъасса, хӀалалсса хьус дакъа тӀий. Зума дитайний: «Аллагьумма лака сумту ва аьларизкьика афтӀарту» - учаву хьинссар. Цама зума дургьусса инсаннал зума ритансса зад дулавугу суннатссар. Мунал дургьусса зумалул чириксса чири зад дуллунангу бикӀайссар. Зума дургьусса адаминал къуру бизаву, оь бишаву, ахттая махъ сивак дуккаву, хӀаммамравун уххаву, чӀавусса



шанашаву къахьинссар. Шагьватрай хъаннин ургаву, ппай тӀий хьярч-махсара буллалаву – хӀарамри. Дукаансса ккюхӀаву, ккарчӀулоьчӀи ккюхӀаву, къункьув, зумув щин ларсун хьиннура гивуннай диян даву – карагъатри. НахӀусса, къанкь дусса задрайн ссунтӀ учаву, дукралуха зузаву, дукаймуних уругаву – карагъатри. Щялмукъуй, гьибатрай, мюнпат бакъасса, оьккисса каламрая маз бурувчуну икӀаву хьинссар. Цайми-цайми хӀарамсса, карагъатсса иширттаяту урувчуну икӀаву хьинссар. ДачӀра, зад къадуркуну дугъавугу къарагъатссар. Гьарца базугу оьккисса задирттаяту буруччин ялувссар. Циксса халкьри, зума дугъаврияту бачӀва ккашил шавугу, мякь шавугу дакъа, чири хӀасул къашайсса! Цахьва цама карагъатсса калам буллау гьалгъа тӀисса ухьурчагу, на зума дургьуну ура куну мунаяту арх хьунссар.



# Ибрагъим Идавсил عليه السلام Байтуллагъ баврил къисса

ГЪАЗИ АЛЪ-ХИУСАЙНИНАЛ МАТИАЛИОЪЛ ЖУМГЪУР

(дайдихъу хъхъичИми номердай)

Аллагъу Тааьланал Ибрагъимлухъ عليه السلام къатта ба куну, га къатлул къадарданийсса къяласса ттурулу гъан дурну, оьвкуну бур «му къатта ва ттуруллул, ванил ххютлил къадарданийсса бикъантиссар», - куну. Яла Ибрагъимлул عليه السلام гъанурду бувккуну лухччинуву ца щюлласса мармар чару льявкъуну бур, гаинйгу шанма хха чивчусса: хъхъичИва-хъхъичИсса ххуттай «Ана Ллагъу ля илягъа илля анна раббуль байти мугълигъа ва гъия гъазарун ва муржигъа ва гъия къифарун» чивчуну бивкуну бур. Мунил мягнагу: «На Аллагъра, На акъа зал акъас-сар, На къатлул Заллура, къа ххира баймара, къа чЮюл баймагура». Килчинмур ххуттаву чивчуну бивкуну бур: «Ана Ллагъу ля илягъа илля анна, раббуль байти, мугълику тIлагъати ва муфкъи-ру ззунати ва мухзиу тарика ссалати» чивчуну бивкуну бур. Шамулчинмур ххуттаву чивчуну бивкуну бур: «Ана Ллагъу ля илягъа илля анна, раз-закъу манн ля хИлята лагъу хIатта яъляма манн лагъу хИлятун ан ля хИлята лагъу» бивкуну бур. Яла Аллагънал عليه السلام Ибрагъимлухъ عليه السلام амру бувну бур «га къатта бан ххюва зунттуяту чартту ласи», куну. Миргу – тIуру-сина, тIуру-зайта, лубнан, жуди ва хIираъ тIисса зунттурдури. Вай зунттурдал кIушиву хIажитурал цинциллаву дикъантиссар тIар.

Гай зунттурдая чарттугу лавсун къатта буллан ивкуну ур Ибрагъим عليه السلام. Исмаил عليه السلام муначIан чарт-



ту ласлай, пIп дуллай ивкуну ур. Мукун буллай бюхттул бувну бур чIира. Та Макъаму-Ибрагъим тIисса чару Ибрагъим عليه السلام къатта буллалани ганил ялув ацIлай ивкуну ур, ччарча лавай хъанай, ччарча ялавай хъанай бивкиссар тIар. Яла Ибрагъим عليه السلام къатта буллай унува, Абу-Къубайс тIисса зунттул оьвкуну бур Ибрагъимлул عليه السلام «тIучIа вин аманат бур, ина ва ласи», - куну. Ибрагъим عليه السلام ганичIан гъан хъувкун, зунтту ххябувкун, гивату ХIажаруль-Асвад бувкуну бур. НухI идавсил عليه السلام жамилияту увчIсса чIумал ХIажаруль-асвад му зунттуву аманатрай бивхъуну бивкуну бур. Ибрагъимлул عليه السلام Байтуллагъ къуртал бувкун, Аллагънал عليه السلام мунайн вахIий гъан увну ур, мунил

цIив лавхъун, хIажлийн наняра куну оьвча, куну. Мунал оьвтIисса чIу Аллагънал عليه السلام машри-къуллаун ва магърибуллаун баян бувну бур. Аллагънал عليه السلام мунахъ «оьвчин вийри, баян бан Тгуйри» куну бур. Ялагу тIий бур, Ибрагъим عليه السلام Аьрафат зунттуин лавхъун бюхттулсса чIунийну оьвкуну бур: «Я арамант! Аллагънал عليه السلام зун къатта бувунни, зу мунин хIаж бувара, куну. Ганал чIу бавну бур щалла дуняллийн. Га чIумал «лаббайк» увкума хIажлийн гъантIиссар тIар, къаувкума къагъантIиссар тIар. Байтуллагъ ва Ибрагъимлул عليه السلام бувсса куццуй ливчIунгу бур МухIаммад Идавсил عليه السلام оьрмулул зувиллий ххюра шин хъуннин. Му чIумал Къурайштурал зевххуну, кIилчингу бувну бур. Ганил вив мукъа малаикнал суратту дирхъуну дур – Жабраил, Микаил, Исрафил, Израил. Ялагу гиву Расулталну бусса идавстурал суратру дирхъуну дур. Яла Идавсил عليه السلام Макка лавсукун, къай суратру цинярда ххартI дурну зия дурну дур. Эса عليه السلام идавсилгу, Марьямлулгу суратру личIаннин. Яла муняра махъу Тамим бину Асаад тIисса адиминал чIу бувну бур му къатта. Яла Идавс عليه السلام накълу хъуну махъ Оьмар-асхIабнал عليه السلام чIу бувну бур. Яла Аьбдуллагъ бин Зубайрдул عليه السلام чIу бувну бур. Яла ХIажажлул га Аьбдуллагълул бувмур зевххуну, ва утти бусса куццуй бувну бур, гъижралул арулцIаллий мукъулкусса шинал Аьбдулмалик халифасса чIумал.

(гIухунмайгу буссар)

## Аьлимтурал хилаф — умматран рахIмат

ЦИВАННИ ДУНИЯЛЛИЙ ЧУВ БУНУГУ ЦIУБАРЗ ХХАЛ ХЪУРЧА ГЪАРЦА КIАНАЙ ЗУМА ЦА КЪИНИ ДУГЪЛАЙ БАЙБИШИН КЪАБУЧИССА?

Ва суал чявуссанал булай Рамазан барз гъан хъанан бивкIукун. Цавай инсантал бур муфтийнал бувсса хIукмулин бувну, Аллагънайн عليه السلام таваккулгу бувтун, зума дугълан байбихълай. Цаймирир бур цалва вайминнаяр аькълу бусса ххай, зума ччяни дугълан байбихълай. МинначIа мукунсса ихтияр дуссар, мунин ШариабтрацIун бавкIусса хIучча, далил бухурча. Амма инсантурал дянив: циванни аьлимтал цала зума лахъхъу дургъуну жухъва хIакъину дугъяра тIисса? – суаллу хъанай бикIай. Бур имамтал тарс бавчIуну цала канивун ссавния барз багъаннин ялугълагъисса Рамазан барз байбишиншиврул.

автор: Камал Сагидов

Муфтийнал мукъух вичIи дирхъуну, паракъатну, бястру къабуллай, цайминнай аьйрду къадуллай зума дугълан байбишин къашайминнахъ учин ччива: хъхъичИваасса хъунисса аьлимтуралгума бивкIиссар цалин къабувксса суаллу (масъалартту), аммарив, миннал куннай куннал аьйрду дайсса къадиркIиссар. Гъарца бусурманчунан бувчIин аьркини Къуръан Аллагънал عليه السلام калам бушиву, ва хIадисру жула Идавсил عليه السلام куртIсса мягна дусса махъру бушиву. Къуръан ва хIадис бувчIин жулва аькълу биял къашайссар, муниятур аьлимтурал ацIвахъул элмулул бутIри бацIан бувсса, мий лавхъхъуну бакъа Къуръан ва хIадис бувчIин къабюхъайссар.

Идавсил عليه السلام увкуссар: «Аьлимтурал хилаф (кибачIлачIау) - умматрансса рахIматри». Аьлимтурал личIи-личIийса пикрирду (мнение)

– му хъанахъиссар инсантурансса Аллагънал عليه السلام рахIмат. Мий аьлимтал лацан бан бучIир мурхъирайсса чIарусса къяртраха, Къуръан ва хIадисру-мурхъирал ттарцIниха. Цумур къяртта дургъуну бачирчагу,

лагаву ца чIумал шайсса кIанттурду. 123 км. радиусраву баргъ гъаз шаву ва лагаву ца чIумал дакъа дикIан къабюхъайссар тIисса аьлимталгу бур. Цамур часовой поясравусса бусур-



ХъхъичИваасса хъуниса аьлимтурал цалва луттирдаву бувчIин бувну бур бусурманчунал оьрмулуву хъуна бакъайсса циняв масъалартту. Жунмагу гайннал увкумунил хъирир бачирча бакъа, цамур ххуллу бакъассар.

жува Къуръандалул ва хIадисирттал хъирир наниссару. Шама имамнал (Абу ХIанифа, Малик, АхIмад) мукъурттийн бувну, дуняллий чу-бунугу цIубарз ххал шаву тасдикъ хъурча, цинявпагу дуняллийса инсантурай ялувссар зума дугълай байбишин. Имам аш-Шафийнал тIимунин бувну, чув-бунугу дуняллий цIубарз ххал шаву тасдикъ хъурча, му кIанттуштал ца часовой поясраву архIал бацIлацIисса цинявнангу зума дугъаву ялувссар. Ца часовой пояс хъанахъиссар баргъ гъаз шаву ва

маннал зума дугъан ялув бакъашиврул далил хъанахъиссар Муслимлул Къурайблуга عليه السلام бувсмур. Ганал увкуну бур: «Ттун Сириянаву унува цIубарз ххал хъуна. Яла на Мадиналив увкIсса чIумал Ибну Аьббаслул عليه السلام ттухъ цIувххуна: «Зун барз та ххал хъур? - куну. «Нюжмар хъхъуну» - учав на. Ганал цIувххуна: «Вин ккавкрив цIубарз?». На учав: «Ккавкунни ттунгу, цайми инсантурангу, мунин бувну жу циняв, жушал архIал Муавият-асхIабуга عليه السلام нюжмар къини зума дугълан байбихъуру». Яла Ибну Аьббаслул عليه السلام куна: «Жуннин цIубарз

ххуллун хъхъуну ххал хъунни, мунияту, Рамазан барз ххуллун къини байбихъуссаннун хIисав буварду». На ганахъ цIуххав: «Муавиятлун عليه السلام нюжмар хъхъуну барз ххал шаву, ва мунал нюжмар къини зума дугъаву вин къагъарив?» - куну. Ибну Аьббаслул عليه السلام увкуна: «Къагъар. Идавсил عليه السلام жухъ чув-бунугу цамур кIанай цIубарз ххал хъурчагу зучIава ххал къавхъунма зума дугълан мабайбишару учайва». Циванни ца къини зума итадакъин къабучИисса, тIий, питнарду дуллан бикIай чIявуну цала дурагу зума къадугъаймий, ягу цалва хъунмсса гъунар бувсса кунма кIира-шанна зумагу дургъуну дакIругу хъун дурну заназимий. Имамтурал буржри муфтийнал тIимур биттур бан, жамаьтралгу буржри имамнал тIимур бан. Циняв Дагъусттаннайсса имамтуран ва аьлимтуран бувчIин аьркини жучIава хIакъсса муфтий ушиву, шариаьтрайн бувну зума та дугълантIиссарив хIукму бан ихтияр дусса. Му хIукму баншиврул хъинну хъуннасса элму дикIан къааркинссар. Фикъгъи (право, закон) кIулсса бувчIайсса аьлимчувнашагу шайссар му хIукму буван. Аммарив, аьлимтал ва имамтал чIявусса бур, миннан ца хIукмулийн бучIан захIматри. Мунияту бусурманнал дяниву аьлимтурая ва имамтурая оьккисса пикрирду ва гъалгъарду къабикIаншиврул, имамтал ва аьлимтал муфтийнал тIимунил хъирир бачин аьркини. Мукунма циняв бусурманнан бувчIин чIунни личIи-личIийса шагъурдау инсантал ца къини Рамазан зуруй зума дугълай бакъашивруву цичIав оьккисса зад бакъашиву. Мукун хъхъичИвагу гъарца чIумал бивкIиссар, аммарив та заманнай бусурманнал куннай-куннал аьйрду дуллай, ягу куннай ку къаччан бикIлай къабивкIиссар.



# Жуварув яла аькълу бумий?

(дайдихь хьхьичмур номерданий)

Мухаммад Идавс ﷺ вяъза бан ацллай ивксса кьаркъсса мурхьирал ух мизит бувукун ца мурцув дирхьуссар, цувагу минбарданияту вяъза буллан ивкссар. Ца кьини Идавс ﷺ вяъза буллаи унува цуру-ктуру тлссса чу бавссар мунал асхлабтуран. Ххал барча, га ух цуру-ктуру тий ляркъуссар. Идавсил ﷺ ганихь «вин цивхьур», куну цуувхьукун – «утти ина ттучлан гьан хьанай акъара, нагу вих мякъну-мюхтажну бура», - куссар ухлил Идавсхь ﷺ. Идавсил ﷺ ганийх ках увкукун, га паракъат хьуссар. Инсантуран ххал хьанай диркссар Идавсил ﷺ ялув ганан ххют дуллаи ссаврунайх заназисса ттуруллив, ххал хьанай диркннал буслайри жунмагу клул хьусса. Мухаммад Идавс ﷺ цала лув шяивкнний ганан ххют дуллаи мурхьирдал хьархьив ктура даллай диркссар. Аьрши-чарил Идавсхьхьун ﷺ салам буллалиса чу баяйсса бивкссар мунал асхлабтуран. Ялагу инсаннаца цукун шайссар Аллагъ ﷻ акъассар учин, Хизри ﷺ идавсил Аллагнахъ ﷺ миннат бувссар цува Мухаммад Идавс ﷺ ккаккан-шиврул дуньяллий сагъну ити куну, Аллагъу Таабланалгу мунахьхьун ихтияр дуллуссар ахирзамана бучланнин

яхьанансса. Цана жула чумалгу буссар Хизри ﷺ идавс ккаклакисса инсантал. Мигу хьанакхиссар валий-тал, тарикъатрал шайхтал, салихисса Аллагнал ﷻ лагъарт. Нажагъ укунмасса бусурманнангу ккаккайссар. Ттул буттал ниттингу (аьпа баннав цил) ккаквккун ивкссар Хизри ﷺ. Дуньяллий дусса гьарца задран цла дур, цла дакъасса цичлар дакъар. Жунма ччалачисса зунттан, аьрши-чарин, инсаннан, гьаттаран гьарица рухл думунингу, дакъамунингу цила цла дур, жунма къачлалайнугу клулли гьава бушивугу, клулли гьелишиву, дяркъу, цукунни мунир махъгу Аллагъ ﷻ акъассар учин шайсса! Аллагнал ﷻ дуссар 99-ра цла. Яруннин ччалай бакъанугу, жунма клулли малаиктал бушиву, жиндри бушиву. Хакъинусса кьинигу инсаннаца бюхълай бакъар цанна ккаркъсса макл ссайну ккаккайссарив бувчин буван. Цимигу шинал хьхьичл хьун нанисса за жунма маклийну ккаккай, туну цукунни макл жунна ккаклакисса Аллагъу Таабланал каша дакъахьурча? Жиндрал бусласимур халкъуннахъ аьлтту буллалисса бувчултрачлан занай буру, амма ци тлайлану бусарчагу, хьун нанимунил Аллагнал ﷻ чирчусса къадар миннаца даххана дан къашайссар.

Къахьанай бур аьлимтураца дуньял сукку шайсса чул клул дуван. Таксса дуньяллий яла хьхьичлунмур индустрия, яла язими дуньяллул професортал, аьлимтал бусса Япониянаца къавхьунни цила ялун нанисса бала клул буван. Цалла дурсса атомный станциялиясса радиация дацлан дансса чаран лякъин хьанай бакъар, цанчирча, къадуллунутгий Аллагъу Таабланал тайннахьхьун мукунсса каша. Та хьанай бур Заннал ﷻ сситтала тайннал ялун бивсса, хакъинусса кьинигу чария, тланнуя бувсса кьунчурдиха лагъшиву дуллаи бунутгий, хьхьирил зуманих хларамсса битъалагай къатри буллаи, къюкбаласса иширттахун багъсса хьами гьарзану бунутгий. Ца-кйира шинал хьхьичл Кизлярдан райондалий увсса, чурххай Кьуръанналул аятру буклакисса чивитгуйн вих бакъа Москвалия, чил хлукуматирттая буклай бия чявусса аьлимтал. Амма щичакуй щялуну бацлан бан къавхьунни му иш. Бурчул цуцлавуртту хьин дайсса дуртуртураца къабювхьунни цичлав бувчин бан – цукун банссия – му дия Заннал ﷻ загьир дурсса уттигу ца хикмат, вих бакъаминнан ккаккан дуллалисса. Ахир заман гьан хьуний Аьрабнал хлукуматирттая дявирду байбишинтлссар тий увкуну бур Идавсил ﷻ хладисирттаву. Вана му

чул дуркунни. Жула ххирасса шайх Саид-Афандинал цалва вяъзалулу бувсунни му питна шаллагу дуньяллийх ппив хьунтлшиву. Дуллалли чярусса дуьртту Заннахъ ﷻ жула уссурвал – бусурмантал залимтурал зулмулия буруччиннав, Дагъусттан бала-мусибатирттаца буруччиннав тий. Дакурдивусса иман цлакь дуванмур бувара. Иман дакъасса инсан къаиклайссар, Заннайн ﷻ къавихмагу иблислуйн вихну иклайссар тий бур. Хларачат бувара жуйнмагу Заннал ﷻ сси къаликкан, Аллагъ ﷻ рязи хьунсса аьмаллу буллан. Аллагнайн ﷻ вихну къабивкссания жула гьан-маччами суру къабивхьуну, иссаву къадурну, жаназалул чак къабувну буччаванссия, хьирив садакьа къабачинссия. Жула хьирив гьанминнал бавчлусса садакьанияр, жува уттану бунува бувмунил даража лавайссарча, хларачат бувара динналул элму лахьлахисса мутааьлимтуран, мизитирттан, мадрасардан, ятинтуран, мушакъатминнан кумаг бан. Садакьа буван ччай, булунсса инсан къалякьайсса чулну дучлавай дур. Аллагъу Таабланал жухьхьунма тавфикь булуннав тлайласса динналул ххулийх бачин, дакл нурданул чанна лахьан даннав, дакниву иман цлакь даннав. Амин, я Мужиб!

Фатимат. Ш. Махачкъала

# Чаящиял Мухаммад-апанни

3 « Баратхьал Абдулкарим-хажинал Мадиналияту Чаящиял Мухаммад-апанниначлан гьан бувсса чагъар

Нигъаят дакъа сурувр, гъаят дакъа башарат Фужаьгран наил хьуни вил чагъар бияврийну. Инагу наил аннав гьарца матлабрайн Заннал ﷻ, Вихьхьун тавпикь дулуннав Цува рязи аьмал бан. Ина ттухъ цухлай ура инава увх хьхьирил хлал, Къаувхра на хьхьиривун, къакулли ттун хьхьирил хлал. Ттигу ттун му хьхьирил хьхьичл ттуршазарда пардав дур Бахру Омман хьхьирил хлал увхнан бакъа циклулссар? Амма хьхьирирду лавънахъ вил мазрая суал бав, Лисан-ул-хлалдания хласилул жаваб ласав, Ттула дардирдал хьхьичлун дуккан дав на вилсса дард, Вил дардиран чла учав хлизикъ тлабибнал дарман. Халимсса вил тлабиъран макъбулну хьунтлхьурча, Сулукрал маслакирттай салик сабикьну шавирл Аьйнул якьиндалийну муаьяна дакъана Салик маъзунгу аву Накъшубанд садаттуврал даъбулул хилипри тар. Амма мурадран ардайн ссавнил гьарал дуварча, Лухчинул ци къудратри тлутли ххяххан кьаритан. Нава бувмур ба, куну, вихъ гьижра ба чивияв, Гьижра бува увкуну луттирдал учайния, Дин мухлафаза дува къаитайхьурча бакъа. Амма Ислам барт дигьин Байтуллагърайн учларча, Щаллагу дуньяллияр цал ккаккан тунгу ччива. Вихъ ца васият банна, диндалул аьзиз уссу, Инава увх маслакря ти-шинай мауккара, Винна ци ххал хьурчагу, чла уча микку ризаъ, Ризаъ дакъасса цамур цичлавну ххал машара. Гьар цимурца зугьурат загьирсса мяниърури, Хижаб дафьохъ хутари, цимигу мяниъ ххи шай. Ниттил хьирив аьтл оьрчл ахьулсанул хьярин бай, Ахьулсаннух бурувг оьрчл ниттияту махрум шай. Ттул ахвал-хлалдания ина ина хавар ласурча, Хамдирал Залунная хлаяну ливчлун ура Буллусса неъматирттай шукру буван къабюхълай, Шукрулул Залунная нигъачли ливчлун ура. Аьзизну ливчлун ура, хлакьирну ливчлун ура, Макъбулсса вил дуаьлийн даим мюхтажну ура, Хуснул хатиматрайну вихъ дуаъ чла тий ура.

Ва чагъаргу чивчуссар аьлимун Аьбдул Карим ибну Юсуф Гьази-Гьумукьы Дагьистани, Мухаммад Идавсил ﷺ равзалул члаххурай усса ва муниха къалуьгь буллалисса, Чаящиятуса Мухаммад-апаннинал чагъар бувклукун, Аллагъ ﷻ рязину лякъашинав ганаятугу, ганал нитти-буттаятугу, амин. (гихунмай хьиривмур номерданий)

# Инсан рухлирачлан ивукун баймур

Инсан ивчлаврил лишанну загьир хьанан дирклукун, мунал чларавсса яла цана ччисса, цими-рахлму буманал му занакьулу анссар. Урчламур чулий къиблаллийн ктура аян увну, ягу лякъа лавай ишинссар ччанну къиблаллийн бурган бувну. Васият-аманат бангу дакннин бутанссар, хьхьичлава къабувну ухьурча. Мукунма, шагъадат дутан, Аллагъ ﷻ кйицл лаган дакннин бутанссар цимилийн, мунахъ уча къакуну цалва учинссар ганангу баянну, ганалгу учиншиврул.

мякъ ливххуна изайссар. Му Ясиндалул хларпирал бакрахсса ца цаннин ацлазара малаик ливккун, мунал хьхьичл къюкьри дурну бавцуну, мунал аьпа чла тлун биклайссар. Мунава рухл дуркун баштан хьувкун, аьфву-рахлму баннав куну, мунаха дуаьгу дурну, мунал яру лакъин банссар цимилийн ках увкуну. Рухл дуркун дарчукун, мунал яру рухлирал хьирив бурувгна биклайссар. Лакъин къабарча тивтлунма личлайссар. Яру лакъин байнигу «бисмиллагъи ва аьла миллати расулилагъ», – учинссар. Лунттубаклгу



Цаягу инсаннан – жагьилсса иклу, хьунав хьусса иклу, цачланма бивклу та бучлантлссарив къаклулссар.

Ивклакисса инсаннал ахирданий махъва-махъсса калам – Аллагъ ﷻ кйицл лагаву, шагъадат дутаву хьурча, мунал бунагьирттал аьпа бувну ивчлайссар. Мунал чурххава рухл дукан дайдирихьукун муначла сура «Ясингу» букланссар. Амма рухл дуканнин бувкуну кьуртал къахьурча, дуккайхту къабитанссар. Му чумал Ясин буккавил хьунмасса мюнпат буссар. Ивклакисса инсан му чумал мякълил къия бивну иклайссар, Ясин буккирча, мякъ лиххайссар. Кьиямасса кьинигу

бахинссар, къацл абавхьна къаличлан. Кару, клисри, ччанну, кйибавхлу кланттугу тлайла бацлан банссар, кьарчл бивкйна къаличлан. Яла мунайсса яннагу лирккун, ивчлаву мяйжан, хьувкун иссавугу, суру бишавугу, уччавугу бюхъайссакасса ччяни данссар. Миннул хладуршин хьуннингу лув лахъсса задгу дирхьуну ялун кукулсса задгу дуртун, лякълуй ци-дунугу ца клусса задгу дирхьуну, къиблаллийн лажинну ишинссар.

Гьунчлукъатрал Кьурбанаьлил «Насихлатель-аввам»



## ДАГЕСТАНСКИЙ ИСЛАМСКИЙ УНИВЕРСИТЕТ И МЕДРЕСЕ ИМЕНИ ШЕЙХА МУХАММАД-АРИФА

### Объявляют прием абитуриентов на очередной 2011/12 учебный год

объявляют прием абитуриентов на очередной 2011/12 учебный год. Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

#### ПРОДОЛЖИТЕЛЬНОСТЬ ОБУЧЕНИЯ:

- ✓ в Дагестанском исламском университете – 5 лет.
- ✓ в медресе – 3 года.

#### ПЕРЕЧЕНЬ ДОКУМЕНТОВ:

- ✓ нотариальная копия документа об образовании;
  - ✓ копия паспорта – 2 шт.;
  - ✓ фотокарточки размером 3/4 в количестве пяти штук;
  - ✓ медицинская справка Ф 086;
  - ✓ прививочный сертификат Ф 156/93-у;
  - ✓ рекомендация от преподавателя религиозного обучения либо от руководителя мечети (имамы) расположенной по месту жительства абитуриента.
- Прием документов с 1 июня по 17 августа.



Наш адрес:

г. Махачкала, ул. Дахадаева, 136  
тел.: 8 (8722) 67-55-08

## Баян

2011-ку шинал октябрь зурул 9-нний МахIачкьалаливсса Сайфуллагь-Кьадиал цIанийсса мизитраву бикIантIиссар Кьуръан буккаврил ва динналул аслурду кIулшиврул конкурс.



Душварал ва оьрчIал дянивсса конкурсру бикIантIиссар личIи-личIину;

Конкурсраву дикIантIиссар шан-на номинация:

1. Чак («Намаз – опора религии» тIисса луттирайн бувну);
2. Динналул аслурду («Основы религии» тIисса луттирайн бувну);
3. Кьуръан (Муаьллиму сани);

Конкурсраву гьуртту хьун бюхъ-айссар дуклаки оьрчIаща ва 25-ра шинал оьрмулувун бияннинсса жагьилтураща.

Цалчинми кIантту бувгьуминнан дикIантIиссар арцуйнусса бахшиш-ру:

- 1-мур кIану – 10000 кьуруш;
- 2-мур кIану – 5000 кьуруш;
- 3-мур кIану – 3000 кьуруш;

Цалчинмий кIантту бувгьусса оьрчIал муаьлимтуран – 5000 кьуруш;

ЦIухху-бусу бан бюхъантIиссар ва номерданийхчIин:  
8-988-291-27-13;

### БучIиссарив чIумуйсса магьар бишин?

Шариьтрайн бувну, чIумуйсса магьар бишин цукунчIавсса ихтияр дакъассар, мукун магьар бивхьуну ялапар хьанахьиссар адиминал ва хамитайпалул зуна буллалиссар.

### Фаризасса гьуслу буллалиса чIумал шалва чурх шювшуну, амма ца чIивиса базу кьашповшунма личIарча, бучIиссарив так га кIану шювшуну гьа бан, ягу цIунил шалва чурх шюшин аьркинссарив?

Гьуслу баврил тартиб (чара бакъа куннил хьирив ку шюшин аьркиншиву) дакъассар, мунияту так шюкьавшуну ливчIсса кIану шюширча гьассар, цIунил гьуслу буллан кьааьркинссар.

### Хьамитайпалул ласнал тIимур бан аьркинссарив ягу нити-буттал тIимур бан аьркинссарив?

Щар хьусса хьамитайпалул ласнал тIимур бан аьркинссар, мунал тIимур Шариьтрайн бувну тIайла бакъасса бакъахьурча. Нитти-буттан ва душнин кIулу бикIан аьркинссар, хьамитайпа щар буллув-кун, ласнал ганинсса хIакь нитти-буттаяр ххишаласса бикIайшиву.

### Нитти-буттал цалва оьрчIан хьхьичIва-хьхьичI ци лахь-хьин бан аьркинссар?

Цалва оьрчIан чак баву ва зума дугьаву лахьхьин булланнин, нити-буттал гайннан МухIаммад Идавсил е оьрмулия, инсан динналува уккан аймуния, Аллагьнал i сифатирттая бусан аьркинссар, мунияту оьрчIал кьюкIливу Иман ххи хьуншиврул. КутIану бусан Иман тIисса мукьувун дагьайсса гьарзад лахьхьин дан аьркинссар. Хьирив Исламрал рукнурду лахьхьин бан ялувссар. Яла оьрчIал дакIурдиву ихIсан ххи дан хIарачат бан аьркинссар.

### Кьатлуву ажари бухьурча, гивун щяйтIан кьабуххайс-сар тIун бикIай. Му тIайлассарив?

Шаппа ажари битаву суннатсар, хаснува кIяласса бухьурча хьинссар. Идавсил i увкуссар: «Ажари – ттунгу, Жабраил-малаикнангу ххирасса лелуххир. Ажарттул цил-ва залуннал кьаттагу ацIния ряхва чIаххурайсса кьаттагу щяйтIантрая буруччайссар».

### БучIиссарив хьамитайпалун карщи кьадуртун занан ласнал ихтияр дулурча?

БучIиссар цила шаппа, чил арамунал бакъасса чIумал.


## Рузнама

### Август

Кьини	КIюрххил чак	Баргь буккаву	Ахттайн чак	Ахттакьун чак	МаркIачан чак	ХьатIан чак
1	3:45	5:37	13:02	16:58	20:15	22:01
2	3:47	5:38	13:02	16:57	20:14	21:59
4	3:50	5:40	13:02	16:56	20:11	21:55
6	3:54	5:43	13:01	16:55	20:09	21:52
8	3:57	5:45	13:01	16:54	20:06	21:48
10	4:00	5:47	13:01	16:53	20:03	21:44
12	4:04	5:49	13:01	16:52	20:00	21:40
14	4:07	5:51	13:00	16:50	19:57	21:36
16	4:10	5:53	13:00	16:49	19:54	21:32
18	4:14	5:56	12:59	16:47	19:51	21:28
20	4:17	5:58	12:59	16:46	19:48	21:24
22	4:20	6:00	12:58	16:44	19:45	21:20
24	3:23	6:02	12:58	16:42	19:42	21:16
26	4:26	6:04	12:57	16:41	19:39	21:12
28	4:29	6:07	12:57	16:39	19:35	21:08
30	4:32	6:09	12:56	16:37	19:32	21:04

## Баян

Гьарца зурул махьра-махьсса ххуллун кьини МахIачкьалаливсса Сайфуллагь-Кьадиал цIанийсса мизитраву атакьун чак бувну махь бикIавантIиссар хьаннинса мажлисуру.



Вягьардах вичIи дишин, динналиясса суаллу бу-лун, элму лахьхьин ччи-миннаща хьунтIиссар гай мажлисирттайн за-най цалла элму-кIулшигу гьарза дурну, хьунмасса чиригу ласун.